

Ženska mreža BiH

21.10.2014.

**ZA:** Sekretare svih zakonodavnih tijela u Bosni i Hercegovini  
**CC:** Svim parlamentarnim strankama u BiH  
**PREDMET:** Zahtjev za punu primjenu Zakona o ravnopravnosti spolova BiH pri formiranju vlasti na svim nivoima u Bosni i Hercegovini

Poštovani i poštovane,

Nakon provedenih općih/opštih izbora u BiH, a pozivajući se na Zakon o ravnopravnosti spolova, Ženska mreža BiH upućuje svim parlamentarnim strankama na svim nivoima vlasti u BiH:


### ZAHTJEV

Na općim/opštim izborima od 12.10.2014. godine Vaša stranka dobila je dovoljan broj glasova za ulazak u zakonodavnu vlast, na nekom od nivoa ili na svim nivoima vlasti u BiH. Podsjećamo Vas da Zakon o ravnopravnosti spolova u svom devetom dijelu JAVNI ŽIVOT u članu 20 kaže:

- (1) Državna tijela na svim nivoima organizacije vlasti, i tijela lokalne samouprave, **uključujući zakonodavnu, izvršnu i sudsku vlast, političke stranke, pravna lica s javnim ovlaštenjima, pravna lica koja su u vlasništvu ili pod kontrolom države, entiteta, kantona, grada ili općine ili nad čijim radom javni organ vrši kontrolu**, osigurat će i promovirati **ravnopravnu zastupljenost spolova** u upravljanju, procesu odlučivanja i predstavljanju. Ova obaveza postoji i za sve ovlaštene predlagače prilikom izbora predstavnika i delegacija u međunarodnim organizacijama i tijelima.
- (2) **Ravnopravna zastupljenost spolova** postoji u slučaju kada je jedan od spolova zastupljen najmanje u **procentu 40%** u tijelima iz stava (1) ovog člana.
- (3) Diskriminacijom po osnovu spola smatra se situacija kada ne postoji ravnopravna zastupljenost iz stava (2) ovog člana.
- (4) Tijela iz stava (1) ovog člana u cilju ostvarivanja ravnopravne zastupljenosti spolova i otklanjanja diskriminacije dužna su donositi posebne mjere propisane članom 8. ovog Zakona.

U procesu formiranja nove vlasti od Vas **ZAHTIJEVAMO I OČEKUJEMO** puno poštivanje i dosljednu primjenu Zakona o ravnopravnosti spolova. Ravnopravna zastupljenost spolova se mora garantovati i pri:

- imenovanju parlamentarnih/skupštinskih komisija i/ili odbora;



### Ženska mreža BiH

- izboru predsjedavajućih/predsjednika/ca i zamjenika/ca predsjedavajućih/potpredsjednika/ca parlamenata/skupština;
- izboru predsjednika/ca vlada i ministara/ica;

Pored toga, zahtjevamo da se u narednom periodu radi na **izmjeni Izbornog zakona BiH** tako da za naredne opće/opšte izbore nemamo samo ravnopravnu zastupljenost spolova od min. 40% na izbornim listama nego i u samim skupštinama/parlamentima. Samo će se tako ispoštovati Zakon o ravnopravnosti spolova.

Srdačan pozdrav,  
Ženska mreža BiH

*Ženska mreža BiH je neformalna grupa organizacija civilnog društva, drugih mreža civilnog društva, neformalnih grupa i pojedinaca/ki koji/e zastupaju i bave se ženskim ljudskim pravima i podsticanjem rodne ravnopravnosti u BiH, a koja promoviše antidiskriminaciju, slobodu odlučivanja, jednakost, nenasilje i antimilitarizam. Članice Ženske mreže BiH su: Fondacija CURE, Sarajevo; Sarajevski otvoreni centar, Sarajevo; Centar za pravnu pomoć ženama, Zenica; Infoteka, Zenica; Udruženje Žene ženama, Sarajevo; UŽ Jadar, Konjević polje; UŽR Bolja budućnost, Tuzla; Forum žena Bratunac, Bratunac; Lotos, Zenica; NVO Ženski centar Trebinje, Trebinje; OWPSEE Fondacija, Sarajevo; UŽ Seka, Goražde; UŽ Goraždanke, Goražde; UG Grahovo, Bosansko Grahovo; UŽ Snop, Rogatica; Glas žene, Bihać; UŽ Viktorija 99, Jajce; Udruženje Okvir, Sarajevo; Udruženje Snaga žene, Tuzla; Fondacija Vezirke, Travnik; UŽ Glogovka, Bratunac; UŽ Most, Višegrad; Fondacija za osnaživanje žena, Sarajevo; Prava za sve, Sarajevo; Udruženje HO Horizonti, Tuzla; UG Alterantive, Kakanj; UŽ Naša porodica, Tešanj; Fondacija lokalne demokratije, Sarajevo; Udruženje Žena BiH, Mostar; UG Vive žene, Tuzla; GUŽ Duvanjske, Tomislavgrad; Kolektiv.ba, Zenica; Fondacija Lara, Bijeljina; UŽ Derventa, Derventa; Helsinški parlament građana Banja luka, Banja Luka; UŽ Priroda, Bratunac; UŽ LI-WOMAN, Livno; Žene sa Une Bihać; Fondacija Udružene žene, Banja Luka.*